

■ TRIBUNA POLITICA

Quant impurtanta è la segirezza per nus?

DA CUSS. NAZIUNALA
MAGDALENA MARTULLO

Eveniments actuals mettan chassas evidentas tut sutsura. Co duain nus ir enturn cun in «aut privel d'attentats terroristics»? Tge duain nus pigliar a mauns cun il messadi a la staziun da Caira «betg tut ils asilants èn uschia»? Per tge ston policists a Basilea far quint andetgamain cun attatgas da la populaziun?

Differents interess e conflicts hai gia adina dà. En nossa societad marcada d'acceptanza e toleranza empruvain nus d'ignorar quai. I para che questa strategia fa naufragi. Senza surpigliar responsabladad, defender e far valair nossa segirezza na vegni betg ad ir. Nagin na vul esser periclità sez cun corp e vita u stuair temair per ses confamgliars. La moda da la smanatscha è sa midada. En ils pajas da guerra na datti pli naginas fronts cleras, differentas gruppas e represchentants cumbattan en reuniuns al-



ternantas. Schuldads cun ina buna furmaziun e cumbattants cun blera experientscha da guerra turnan u immigreschan en noss pajais ensemen cun il moviment da fugitivs. Zonas senza dretg en las metropol europeicas sa porchan sco lieus da retratga segirs. La probabilitad è pitschna, però tuttina – il privel spetga tranter da nus. Per quel cas è la politica e las forzas da segirezza preparadas insufficientamain.

Procurar per segirezza – quai è l'incumbensa dal stadi. La confederaziun ed ils chantuns ston s'adattar a la nova situaziun da segi-

rezza. Dapi che Schengen/Dublin è suspendì ston pupè ils singuls stadis surpigliar la controlla da cunfin. Cun augmentar il corp da guardia da cunfin da la Svizra da l'ost e cun preparar l'armada sco sustegn fa Berna almain in pitschen pass en questa direziun. Quai che riguarda il servetsch d'infurmaziuns è la Svizra deplorablamain dependenta prest dal tuttatfatg da l'exteriur. I vala da nizzegiar inschignusamain las bunas relaziuns internaziunalas. Ils chantuns ston garantir da pudair controllar e sa far valair era da gronds eveniments cun in corp da polizia bain armà ed immediat pront per l'acziun. Igl è pretensius d'agir en il rom da gronds eveniments, en in'atmosfera agitada, cun differentas culturas (ev. senza enconuschientschas linguistics correspudentas). Il barat d'infurmaziuns ed il sustegn personal tranter ils chantuns è indispensabel. Pertge: la tema è inauscha cussegliadra. Ussa ston ins realisar mesiras concretas!